

Ibazwa kw'isaba ry'ubuhungiro mu Kigo cya Imigarasiyo

Wahamagawe mw'ibazwa kw'isaba ry'ubuhungiro mu Kigo cy'abinjira n'abasohoka. Soma witonze aya mabwiriza, agusobanurira uburenganzira bwawe n'inshingano za we muri iryo bazwa. Niba hari ibyo udasobanukiwe, sobanuza umukozi w'ibiro by'abinjira n'abasohoka ibazwa rigitangira.

Ibazwa risobanura iki?

- Wasabye ubuhungiro muri Finilandi. Ibiro bishinzwe abinjira n'abasohoka (Imigarasiyo) bisuzuma impamvu shingiro z'isaba ry'ubuhungiro muri Finilandi n'impamvu udashobora gusubira mu gihugu cyawe.
- Ni ingenzi ko mw'isaba ryawe uvuga impamvu remezo zose z'ubusabe bwawe muri iri bazwa. Nihaza izindi mpamvu nyuma y'iri bazwa cyangwa ukifuzwa kugira ibindi bishya wongera ku byo wavuze mbere, bibwire bwangu Ikigo cya Imigarasiyo cyangwa urukiko ruriho rwiga dosiye yawe.
- Mw'ibazwa turasuzuma ibirebana n'ubuhungiro. Niba wifuzwa gusaba uruhushya rwo
- kuba mu gihugu rushingiye ku bindi bisobanuro, wowe ubisaba mw'isaba ryahariye kandi ryishyurwa. Ishingiro ry'ubwo busabe bushya rishobora kuba, urugero, gusanga umuryango wawe.

Ni ubuhe burenganzira n'inshingano byawe mw'ibazwa?

- Ufite uburenganzira mw'ibazwa kwifashisha umwunganizi mu mategeko. Umwunganizi agira uruhare mw'ibazwa iyo abyisabiye we ubwe.

- Ni wowe ugomba gushaka umwunganizi uzaza mw'ibazwa ryawe. Iyo utashatse uzakwunganira mu mategeko, dushobora n'ubundi gukomeza ibazwa n'ubwo nta mwunganizi ufite.
- Mw'ibazwa twifashisha umusemuzi. Asemura byose ntaho abogamiye, nk'uko bivuzwe mw'ibazwa. Umusemuzi ashobora kuba ahibereye cyangwa mu buryo bw'iyakure kuri telefoni cyangwa videwo.
- Ukubaza, umusemuzi n'umwunganizi bafite inshingano y'ibanga, ni ukuvuga ko bashobora kugira umuntu n'umwe wundi babwira ibyavugiye mw'ibazwa. Ibintu uvuga mw'ibazwa ryawe bishobora kugira ingaruka mw'isuzuma ry'ubusabe bw'abandi bo mu muryango wawe. Ibintu nk'ibyo turabizirikana iyo twiga dosiye y'uwo musangiyeye umuryango. Ariko dushobora guhisha uwo musangiyeye umuryango ibyo wavuze, igihe kubyerekana bishobora kukugiraho wowe cyangwa n'undi ingaruka mbi cyangwa bikagira uwo bibangamira. Ibyo ushobora kugira icyo ubivugaho mw'ibazwa ryawe.
- Inyandiko zose zikureba mw'ikubitiro zigomba kubikanwa ibanga.

Ni izihe nshingano zawe ufite mw'ibazwa?

- Ufite inshingano yo kuvuga ibisobanuro byawe, by'impamvu wasabye ubuhungiro. Ni mu nyungu zawe kuvugisha ukuri ibyo uvuga byose bishobora kugufasha mw'ibazwa.
- Ni mu nyungu zawe no kuvuga ibintu bikomeye. Bishobora kugira ingaruka nziza mu gusobanura dosiye yawe.
- Niba utibuka cyangwa ukaba utazi ikintu, ntugerageze guhimba igisubizo. Vuga ko utabizi cyangwa utabyibuka. Gutanga amakuru y'ibinyoma bituma ukuri kw'ibyo uvuga gushidikanywaho.
- Utubwire imyirondoro yawe. Niba nta bya ngombwa ufite bishobora kwemeza bidasubirwaho uwo uri we, ugomba gukora uko ushoboye kose ukabishaka ukabyohereza ikigo cya Imigarasiyo. Ibyo bya ngombwa bishobora kuba indangamuntu cyangwa impapuro z'inzira. Ikigo cya Imigarasiyo nticyagutegeka gushaka ibyangombwa igihe bigaragara ko kubibona byaguteza ibibazo cyangwa umutekano muke kuri wowe cyangwa kuri bene wanyu. Nyuma ushobora kuzahindura imyirondoro watanze ari uko ufite ikukuranga cyatanzwe n'urwego rwa Leta gifitiwe icyizere.
- Imigarasiyo ibika imyirondoro yawe n'impamvushingiro z'ubusabe bwawe mu nkoranyamakuru y'amadosiye asuzumwa y'abanyamahanga, ikaba ari urwego rwa Leta rubikwamwo imyirondoro. Gutanga amakuru mahimbano yinjizwa mu nkoranyama y'imyirondoro ni icyaha gihanirwa.
- Gutanga amakuru y'ibinyoma ku myirondoro ku mukozi wa Leta ni icyaha gihanirwa n'amategeko.
- Zirikana ko gutanga amakuru y'ibinyoma cyangwa guhisha amakuru y'ukuri bishobora kuzatuma akari cyera wamburwa uruhushya wahawe kandi bikagutera ingorane mu yandi ma dosiye ariho asuzumwa.

Ni gute ugomba kwitegura ibazwa?

- Banza usome neza amabwiriza wahawe n'ubuyobozi. Ni ingenzi ko unareba neza amakuru arebana n'amasezerano ya Dublini. Niba ayo makuru ntayo ufite, ushobora kuyareba ku rubuga rwa murandasi rw'ikigo cya: migi.fi/esitteet. Amatangazo ari mu nsi y'ahafite umutwe witwa "Turvapaikka ja Dublin-menettely" (ubuhungiro n'amasezerano ya Dublini).
- Iyo ufite impamvu isobanutse y'icyifuzo, cy'uko umusemuzi cyangwa ukubaza yaba igitsinagabo cyangwa igitsinagore ugomba kubibwira abakozi bo mu nkambi hakiri kare mbere y'ibazwa. Inkambi y'impunzi imenyeshya icyifuzo cyawe muri Imigarasiyo. Imigarsiyo isuzuma niba impamvu za we zifite ireme.
- Iyo impagarike yawe ku mubiri cyangwa mu buzima bwawe ifite uko iteye kwagira ingaruka kw'ibazwa ryawe, vuga icyo kibazo hakiri kare ukibwire umukozi wo nkambi y'impunzi. Inkambi y'impunzi ibyemerewe na we ishobora kubimenyeshya Imigarasiyo mbere y'ibazwa ryawe.
- Itwaze impamba cyangwa amafaranga yo kugura ibiryo bya ku manywa.
- Itwaze imiti unywa ku manywa niba uyikeneye.
- Itwaze impapuro zose n'ibisobanuro byose byanditse, bifitanye isano n'isaba ryawe.
- Ntuzane abana, niba nabo batatumiwe mw'ibazwa ryawe. Niba ukeneye ubufasha bw'abagusigaranira abana, ubivuga hakiri kare mu nkambi y'impunzi ubamwo.
- Ugomba kuhagerera igihe. Urugendo uruteganziriza igihe gihagije. Uhabwa amabwiriza akuyobora mu nkambi y'impunzi ubamwo, ukamenya uko ugera ku kigo cya Imigarsiyo.

Bigenze gutya umunsi w'ibazwa muri Imigarasiyo

- Ntushobora kwigizayo umunsi w'ibazwa udafite impamvu ikomeye. Iyo urwaye ku munsi w'ibazwa, wowe ugomba guhita umenyeshya icyo kibazo inkambi y'impunzi zanyu. Umwunganizi wawe agomba gushyikiriza Imigarasiyo icyemezo cy'uburwayi gitanzwe n'umuforomo cyangwa muganga w'inkambi mu gihe kitarenze icyumweru uherye umunsi ibazwa ryari riteganzirizwe. Iyo ubuze mw'ibazwa ry'ubuhungiro nta mpamvu zatanze zifatika, isaba ryawe rishobora gufatwaho icyemezo hatabayeho ibazwa.
- Iyo winjiye mu nyubako z'ikigo cya Imigarasiyo, ushobora gukorerwa isakwa n'abashinzwe umutekano.
- Niba ufite ikarita y'umukiriya yo mu nkambi y'impunzi, urayereka abashinzwe umutekano ku kigo cya Imigarasiyo.
- Aho abantu bategerereza hinjira gusa uwahamagawe mw'ibazwa n'undi muntu uba yabyemerewe na Imigarasiyo mbere y'igihe.
- Niba wifuza ko ujyana n'umuntu ukuba hafi, kubera impamvu z'uburwayi, umuntu ukuba hafi agomba kubisaba mu kigo cya Imigarasiyo mu nyandiko mbere y'igihe. Uko biri kose umukozi ukubaza abanza gufata icyemezo niba yemera ko uwo muntu aba ahari cyangwa adahari. Umuntu ukuba hafi ntabwo ari avoka nta ruhare agira mu gusobanura dosiye yawe.
- Ukubaza ni umukozi wa Imigarasiyo. Ashobora kuba ahari cyangwa ari kuya kure kuri Videwo.
- Mw'ibazwa dufata amajwi. Kandi no mu cyumba cy'ibazwa haba hari kamera ifata amashusho ikayabika.

- Ibazwa rishobora gutwara umunsi wose. Hagati aho turaruhuka tukajya kurya, turaruhuka iyo bikenewe n'ikindi gihe. Utumenyeshe buri gihe niba wifuzza akaruhuko gato.
- Iyo bikenewe ibazwa rishobora kuzakomeza undi muni. icyo gihe uhabwa ubundi butumire mw'ibazwa mu minsi iri imbere.

Ni ibiki biba mw'ibazwa?

- Bitangira umuntu ukubaza avuga ibiza kuba mw'ibazwa kandi akabanza kukubaza niba wasobanukiwe neza n'uburenganzira bwawe n'inshingano zawe. Mubaze niba hari icyo utasobanukiwe. Bivuge niba utumva ibyo umusemuze avuga.
- Iyo imyirondoro yawe itasobanutse neza mbere, nibyo aheraho akubaza. Akubaza uko umuryango umeze, aho wagiye utura hose, ni inzira wagenze uza muri Finilandi. Umukozi ukubaza agusobanua neza ibintu, bishobora gutuma kwiga dosiye yawe bisobanuka kurushaho, akareba niba isuzumirwa muri Finilandi cyangwa se niba bayihorera nti-bayisuzume.
- Nyuma y'ibyo agusobanuzwa wowe kumubwira impamvu zatumye uhunga igihugu cyawe n'impamvu udashobora gusubirayo. Vuga ibyakubayeho byose mu kuri kandi uvuge buri kantu.
- Umukozi ukubaza akubaza ibibazo byo gusobanuzwa neza ibyo uvuga byakubayeho. Mubwize ukuri. Bivuge niba utazi ibyo akubajije cyangwa niba hari icyo utibuka.
- Ababazwa bese baaba ubuhungiro babazwa ibibazo rusange. Umukozi ukubaza anakubaza, hagati aho, uko wabigenza bavuze ko bashaka kugusubiza iwanyu no kukubaza kugaruka mu gihugu.
- Ikigo cya Imigarasiyo gishobora mw'ibazwa kwumva ibisobanuro bishobora gutuma dosiye yawe irushaho gukemurwa neza. Urugero, niba ukekweho icyaha cyangwa ukaba wakatiwe n'urukiko muri Finilandi, bishobora kugira ingaruka ku mikirize ya dosiye yawe muri Imigarasiyo. Mw'ibazwa, ikigo cya Imigarasiyo kiguhaha amahirwe yo kugira icyo uvuga wisobanura kuri ibyo.
- Iyo birangiye umusemuze agusomera inyandiko mvugo uwakubazaga aba yanditse. Bibwire umukozi ukubaza niwumvamwo amakosa. Ushobora no kugira ibindi wongerera ku nyandikomvugo. Ibi iyo birangiye hasinywa inyandikomvugo ugahabwa kopi y'inyandikomvugo wibikira.

Ni gute ikigo ya Imigarasiyo gifata umwanzuro?

- Hashingiwe ku busabe bwawe ushobora guhabwa ubuhungiro mu rwego mpuzamahanga rwo kukurinda cyangwa ugahabwa urundi ruhushya rwo kuba mu gihugu rushingiye ku mpamvu z'uburenganzira bwa muntu cyangwa se nk'umuntu wakorewe icuruzwa.
- Ikigo cya Imigarasiyo gifata umwanzuro gishingiye ku makuru watanzwe no ku bindi bimenyetso n'ubuhamya byagaragajwe. Ikigo cya Imigarasiyo gishobora kwishakira mu rwego rwo gufata icyemezo, andi makuru y'inyongera mu makuru atangazwa hirya no hino.
- Ikigo cya Imigarasiyo kibishatse gishobora no gushakira inyandiko zisobanura umwimere w'inyandiko mu gihugu cyawe. Abakozi ba Leta ntibashobora guhera aho ngo bamenye ko ibisobanuro bashakira bishobora kugushyira mu ngorane cyangwa guhungabanya bene wanyu.

- Niba nyuma ushaka kohereza ibindi bisobanuro ubikora mu nyandiko. Ntabwo tunganira kuri dosiye yawe kuri telefoni, kuko tudafite ubushobozi bwo kureba neza utelefonnye ibyangombwa bye.
- Iyo isaba rawe riteshejwe agaciro, dushobora kugusubiza iwanyu no gutegeka ko utazagaruka muri Finlandi no mu bindi bihugu bihujwe n'amasezerano ya Schengen.
- Iyo ubusabe bwawe bwanzwe cyangwa nawe ugasaba ko bahagarara ufite uburen-ganzira bwo gusaba ubufasha bwo kwigendera ku giti cyawe. Iyo nkunga itangwa ha-kurikijwe amabwiriza azwi kandi ashobora gusuzumwa igihe umaze gusaba iyo nkunga. Saba inama mu kigo cy'impunzi cyawe cyangwa urebe andi makuru n'itumanaho ku rubuga rwa murandasi rw'ibiro bishinzwe gufasha abatahutse mu kigo cya Imigarasiyo migri.fi/paluu.
- Iyo ufite ibindi bisobanuro bishya byo gusaba ubuhungiro nyuma y'aho, mu gihe icy-emezo cy'ikigo cya Imigarasiyo kigifite agaciro mu mategeko, uhita utanga ubundi bu-sabe bwangu. icyo gihe ugomba kuba ufite impamvu yatumye ibyo utari wabivuze mw'ibazwa rya mbere. Iyo mpamvu ishobora kuba igaragara ko wowe ubwawe nta ru-hare wayigizeho. Hashingiwe kuri ibyo, ikigo cya Imigarasiyo gifata umwanzuro niba gi-suzuma bundi bushya ubwo busabe bwawe.